

■ KABINET DIREKTORA

202
ZOI'84
Olimpijski centar
Sarajevo



SKUPŠTINA KANTONA SARAJEVO
Adresa: Reisa Džmaludina Čauševića 1
nr/ Zastupnica Danijela Kristić

Bosna i Hercegovina
Federacija BiH
KANTON SARAJEVO
Broj: 114-1/21
Datum: 14.01.2021.

PREMIJER O: 15-01-2021	
Uprava jedinica	Redni broj
01	04 151-62

PREDMET: Odgovori na zastupnička pitanja

Uvažena zastupnice,

KJP ZOI'84 OCS d.o.o. svake godine planira, provodi procedure propisane Zakonom o javnim nabavkama i potpisuje okvirni sporazum sa dobavljačima za preventivno i reaktivno održavanje četverosjedne ili šestosjedne žičare.

Tenderskom procedurom putem otvorenog postupka, predviđa se zaključivanje okvirnog sporazuma sa jednim, ovlaštenim dobavljačem za servisiranje žičara na period od 12 (dvanaest) mjeseci od dana stupanja okvirnog sporazuma na snagu. Usluge se pružaju sukcesivno i kontinuirano, u skladu sa ukazanim potrebama i tokom trajanja okvirnog sporazuma. Okvirni sporazumi su neobavezujući i predstavljaju zakonsku podlogu za bržu realizaciju pojedinačnih ugovora po osnovu ukazanih potreba.

Obzirom da su sva Vaša pitanja vezana za istog dobavljača Strucon d.o.o. ovim putem Vas informišemo da je Strucon d.o.o. jedini ovlašteni zastupnik proizvođača žičara BMF (Bartholet Maschinenbau AG) Švicarska za region Jugoistočne Evrope te da je po tom osnovu jedini ovlašten za servisiranje naših postrojenja kao i da jedini imaju pristup za distribuciju rezervnih dijelova neophodnim za održavanje naših postrojenja kao i neophodne certifikate.

Svi servisi i nabavke su izvršeni unutar ugovorenih termina te su dostavljeni zapisnici i ostala tehnička dokumentacija. Svi rezervni dijelovi koji su isporučeni su uredno zaprimljeni u magacin uz dostavu ulaznih zapisnika.

U sezoni 2019-2020 godine je vršena provjera svih ovih ugovora na zahtjev tadašnjeg direktora KJP ZOI'84 OCS d.o.o. i nisu uočene nepravilnosti.

Strucon d.o.o. se kroz dosadašnje aktivnosti pokazao kao odgovoran i pouzdan partner.

U nastavku vam donosimo sažetak svih postavljenih zastupničkih pitanja, a u prilogu i prateću dokumentaciju.

Zastupničko pitanje Br. 01-04-151-6/21

Okvirni sporazum za pružanje usluga servisiranja četverosjedne i šestosjedne žičare broj 1788/19 od 21.06.2019. godine, procijenjena vrijednost 200.000,00 KM (realizovana dva pojedinačna ugovora ukupne vrijednosti 199.208,55 KM)



- Prvi pojedinačni ugovor br.2597/19 od 02.10. 2019. godine se odnosi na obavezni godišnji pregled i remont postrojenja prema specifikacijama proizvođača opreme i normama EU koje regulišu rad žičara. Iznos pojedinačnog ugovora je 70.000,00 KM bez PDV a;
- Drugi pojedinačni ugovor br.2597/19 od 02.10.2019. godine se odnosi na servise i nabavku rezervnih dijelova potrebnih za neometan rad postrojenja i stvaranje zaliha ključnih rezervnih dijelova po preporukama proizvođača, a za brze intervenciju u slučaju potrebe. Ukupna vrijednost ovog ugovora iznosi 129.208,55 KM bez PDV a.

Zastupničko pitanje Br. 01-04-151-4/21

Prema okvirnom sporazumu bile su planirane i usluge godišnjeg pregleda i servisiranja četverosjedne žičare. Obzirom na problematiku vezano za rad ovog postrojenja tadašnji direktor KJP ZOI'84 je odustao od ove stavke okvirnog sporazuma, odnosno usluge godišnjeg pregleda i servisiranja četverosjedne žičare nisu ugovorene kroz pojedinačne ugovore pa samim time usluga nije izvršena niti je fakturisana. Okvirni sporazum je potpisan na period od 12 (dvanaest) mjeseci kako bi se osigurala brza reakcija u slučaju iskazane potrebe za servis četverosjedne žičare.

Zastupničko pitanje Br. 01-04-151-10/21

KJP ZOI'84 već duži niz godina kroz plan nabavki planira i ulaganja u vizuelne komunikacije.

Nažalost manjih ulaganja je bilo ali u svakom slučaju nedovoljno. Podržavamo Vašu inicijativu i nadamo se da u toku 2021 godine zajedno sa Ministarstvom privrede, Turističkom zajednicom i Općinom Trnovo možemo sprovesti ove aktivnosti koje su smatramo vrlo bitnim.

Zastupničko pitanje Br. 01-04-151-3/21

Godišnji okvirni sporazum o pružanju usluga preventivnog i reaktivnog održavanja četverosjedne i šestosjedne žičare a po ponudi 27-09/2018 ukupne vrijednosti 200.000,00 KM bez PDV a.

Realizovano je ukupno pet pojedinačnih ugovora.

- Prvi pojedinačni ugovor ukupne vrijednosti 13.080,00 KM za usluge isporuke i ugradnje rezervnih dijelova za sanaciju štete usljed udara groma na šestosjednoj i četverosjednoj žičari;
- Drugi pojedinačni ugovor ukupne vrijednosti 89.960,00 KM za usluge servisiranja šestosjedne žičare nakon havarije nastale udarom groma u postrojenje, ovo je nastavak aktivnosti po prvom pojedinačnom ugovoru nakon isporuke rezervnih dijelova;
- Treći pojedinačni ugovor ukupne vrijednosti 68.580,00 KM se odnosi na obavezni godišnji pregled i remont postrojenja prema specifikacijama i uputstvu proizvođača opreme i normama EU koje regulišu rad žičara;
- Četvrti pojedinačni ugovor ukupne vrijednosti 23.000,00 KM za usluge godišnjeg pregleda i servisiranja šestosjedne žičare nakon havarije nastale udarom groma u postrojenje, a koje nisu bile izvršene kroz prvi i drugi pojedinačni ugovor zbog čekanja na isporuku potrebnih dijelova;
- Peti pojedinačni ugovor ukupne vrijednosti 5.380,00 KM za nabavku bočnih graničnika na korpama šestosjedne žičare.

Zastupničko pitanje Br. 01-04-151-5/21

Okvirni sporazum po ponudi 67-08-/2020 redovno servisiranje i održavanja šestosjedne žičare, u skladu sa uslovima navedenim u TD i Obrascu za cijenu ponude

■ KABINET DIREKTORA

ZOI'84
Olimpijski centar
Sarajevo



- U sklopu ovog okvirnog sporazuma realizovan je jedan (prvi) pojedinačni ugovor, ukupan iznos 70.500,00 KM bez PDV a, a odnosi se na obavezni godišnji pregled i remont postrojenja prema specifikacijama proizvođača opreme i normama EU koje regulišu rad žičara.

U prilogu Vam dostavljamo kopije sporazuma i pojedinačnih ugovora sa računima i zapisnicima u kojima je taksativno naveden svaki servis te specifikacija nabavljenih i ugrađenih dijelova.

Za dodatna pitanja stojimo Vam na raspolaganju.

v.d. Direktor

